

畿輔通志卷二百三十八

列傳四十六

國朝十三

正定下

順德

國朝

正定府

贊皇縣

安克紹

安璵

張經

安佑

祖瑀

杜元麟

趙斗南

安克終  
胡藥嬰

張琴

安德

杜南棠

工存義

附  
殉難諸人

晉州

杜維喬

茹顯相等附

高明

紀從龍

子溧

劉其化

張士勇

張三

谷某

孫清元

李士林

李信

趙掄元

趙廷瑞  
趙懷智

附陣亡及遇害諸人

呂韶音

附殉難諸人

高金魁

附殉難諸人

無極縣

張興家

孫陳謨

盧致道

高之璘

王璋

李殿魁

藁城縣

馬逢伯

趙丕承

田子民

韓國元

張明遠

米青山

于百泉

彭天相

石皓

樊鳳三

張成惠

附殉難諸人

韓壽昌

附殉難諸人

張玉明

王淑身  
樊錫

韓自芳

賈三省等附

李邦正

李震

新樂縣

相作礪

張遇祥

張遇清

秦立功

順德府

邢臺縣

王道煥

王蔚

賈應爵

劉立業  
武福義

李儻

包儀

姬登第

楊體乾

沙河縣

杜良祚

李閻

王昌運

郭琯

劉源清

許祥

周大玉

陳定國

張奎璧

王書吉等附

郝上庠

秦虎翼

石清吉

侯治民

魏清元

魏發祥等附

南和縣

鹿遇明

楊汝泰

張熊兄燾

周鐫

劉典

周鳴鹿

劉正法

周好禮

周欽明等附

王建中

平鄉縣

夏謨

田浹澤

龐紹先

趙之選

子培基

田產玉

羅嶷劉萬貴

徐臺光

張鳳集等附

賈汝楫

齊正

李俊德

韓淑禮  
丁玉清

張利勇

關九功等附

李自修

父惠和  
附吳石麟

諸人

鉅鹿縣

楊思聖

楊時舉 子大千弟時薦

張偉

張國柱 李成樂等附

張凱元

靳守祖 宋來春

張祉生

殷飛熊

馬鳳超

王貴保 父永祥

王鳳章 閻武修等及殉難諸人附 谷景昌

谷杏林

廣宗縣

蘇奇英 劉漢儒

王恂

呂之繹

李霄

呂上沅

喬棠 董連等附

唐山縣

張梅 張慎修子

徐景雒

趙慥 小祥

張尊賢 兄尊美

陳萬春

段思齊 李瑤等附

田有秋

張瑞珍 父明雲附殉難諸人

內邱縣

智懷行

喬鉢

崔鳴鶯

馬玉成

任縣

苗澄

吳盡忠

樂養重

趙光正

王适

王視履

魏廷麟

父鍾秀

姜逢瀾

附殉難諸人

正定府

贊皇縣

安克紹字敬承明季諸生闖賊陷京師置僞令克紹倡士人不爲禮順治元年以貢生知山東高密縣時縣境殘破克紹招集流亡給籽種親率民開墾荒田百姓樂業期年政平訟

理解組歸時有安璇者字載之由貢生判河南陳州遷知廣

濟縣禁暴安良豪強畏服民目爲安青天

縣志

張經字政九順治間以明經通判吉安禦倭寇有方遷温州府同知擢守杭州明敏幹略僚屬憚之耿逆之變制府李之芳知其才授以軍務勝任愉快以憂歸服闋起爲順慶府知府引疾歸里卒祀鄉賢

府志

安佑字自天一字助予祖瑀字象淑由順治十一年舉人令湖廣慈利縣有循聲佑舉康熙五十六年鄉試雍正二年甲

辰成進士官開化縣知縣興學勸農一意與民休息縣賦額多浮田沒賦存子孫不得除復官斯土者皆知其弊而不敢上聞相沿幾百年佑下車力請當事按畝清釐悉除之且蠲

歷年積逋輿情歡洽以最擢吏部主事卒於官

縣志

杜元麟字堯藪康熙五十六年舉於鄉雍正五年丁未成進士知湖北南漳縣剔弊除奸百廢具舉移居通山通山俗强悍士人多罹罪元麟曲爲保全時進而課之諭以禮法期年俗大變大吏薦舉循良未幾卒官

趙斗南官平鄉訓導善事親崇祀鄉賢同時明經安克終胡藥嬰皆以孝聞有司上其事皆旌之克終官江西進賢縣丞藥嬰官奉天鐵嶺知縣

張琴字大紳武生有智略順治初闖寇據西山爲民害官欲撫之賊疑懼不敢前琴入山諭以大義且以身爲質留賊中數日撫成乃歸

安德諸生有清操嘗於爨薪中檢得遺金訪其人還之閭里

服其高義

俱同上

杜南棠字召亭一字荔村少聰穎好學於書無所不通乾隆四十二年舉人五十二年丁未成進士授檢討刻勵爲學思以文章鳴世擢左春坊左中允丰骨稜稜時相國某權勢煊赫偶遇諸朝同館爭先拜跪南棠獨長揖某愕然問籍貫以贊皇對某曰李衛公桑梓也意頗不懌時都人士好談古學以隱僻爲博割裂爲新南棠持論頗不右之有居要地者慕其名欲羅致門下會宴客主人將前席行酒眾皆以門生辭某笑曰自有不爲門生者而南棠亦不爲動大考遂以平等左遷居京師境益窘或爲之謀勸其一謁當路侍御可立致南棠曰窮達有命奈何因一跌遂夫生平乎卒不往其以風節自勵如此未幾歸遊湘湖浮江漢所造益深後主講恒陽書院嘗自述生平坎坷心氣和平無一毫尤怨其雅量尤不

可及云

梁振翻撰傳

著有荔村詩稿

畿輔詩傳

王存義嘉慶元年從軍湖北死於陣十八年楊永泰陣亡東明縣咸豐四年李海郝成月陣亡阜城池尙陣亡山東冠縣姚勇王得勝陣亡山東高唐州七年安作新陣亡江蘇六合縣九年金貴周永城陣亡安徽亳州十一年陳得才劉貞常廣榮王玉生張得安陣亡曲周縣

縣志

晉州

杜維喬母病每夜禱天願以身代至頭顱盡裂同里茹顯相亦以孝事繼母見稱於鄉諸生姚承韓應中張學道翟帷鼎楊文彪俱有孝行先後

旌於朝

州志

高明字曜南順治二年登鄉薦四年丁亥成進士知陵縣時

寇賊充斥鄰封多不守明泣任卽修城垣練鄉勇賊知有備不敢犯陵民苦於漕糧上官徵求檄如雨下明不事追呼備陳困苦情狀力請從緩以憂去服闋復授臨潼知縣臨潼當達道大兵過境供應皆出自官毫不擾民歡聲載道未幾卒邑人思之爲立遺愛碑

紀從龍字雲生康熙初以貢生官廣東潮陽縣丞權知饒平縣縣素號難治從龍不事操切一意與民休息輿情悅服作德政圖紀其事泣治一載內擢兵馬司副指揮未行而卒子澧字澤九幼穎悟康熙二年舉於鄉九年庚戌成進士官內閣中書兼司經局正字嗜學能文淡於仕進著有漪園集劉其化字惟醕九齡喪父孤苦嗜學性冲淡承母教以孝聞母或有愠色必長跼膝前顏霽乃起順治初以副貢官教諭

遷崑山縣丞內擢兵馬司尋出知嘉禾縣攝理桂陽俱有政

聲卒於官

俱同上

張士勇字奪魁以孝事親至老尤篤卒年七十有六張三事母師氏孝家貧甚師有所欲三必竭力營奉授衣侍食事皆

躬親閭里稱善

採訪冊

谷某世務農事親孝父沒晝夜悲號依母以居妻死不再娶與母同寢母沒終喪始娶其至性過人如此

同上

孫清元乾隆四十五年庚子武進士官湖北襄陽守備遷貴州銅仁協都司六十年黔省逆苗石柳鄧滋事圍松桃城總督福康安督兵至城下清元出城合擊圍解賊復踞長沖塘抗拒官兵清元上山拔其寨殲其眾論功

賞花翎遷平越營遊擊嘉慶二年隨內大臣額勒登保四川總督福

疑征湖北邪匪賊踞大流口清元直前衝突攻毀木城克之  
上嘉其勇授安徽甯國營參將擢安慶協副將四年川匪張起貴竄  
入楚境清元設伏破之隨攻賊黨李樹徐添德等萬餘人大  
敗之李逆欲趨荆襄清元偵賊來路設伏衝擊追殺二十餘  
里俘馘無算擢襄陽鎮總兵五年賊渠樊人傑自陝境入樊  
清元禦之於竹山南田壩賊復擾房竹二縣界糧路梗塞清  
元由東路攻入賊北走卽復敗之於羅家川賊遁保康追至  
五虎堽溝口奮力鏖擊大破之賊東趨當陽遇敵四散竄入  
陝境徐逆復掠南漳渡漢江直趨荆門我兵三路圍攻賊潰  
入西南山餘黨奔吉陽關及陝西白河縣境清元乘勝促之  
賊折回東奔我兵悉銳窮追賊勢蹙大兵復敗之於蕭家堽  
清元由洋坪至蔡家灣策應追殺三十餘里奪獲輜重擒僞

先鋒廖黑兒等尋丁母憂請歸葬奏入

上以全楚雖清邊境正資防禦留之尋

賞騰阿特依巴圖魯名號徐逆自陝復竄入楚圖走均州穀城屢敗之六年復與賊渠張允壽奔房縣清元隨湖廣總督書麟進兵壽陽坪克之復追擊於白沙河徐逆由竹山北走鄖境川匪苟文明李彬由陝竄入竹谿清元分兵探勦兵駐房縣賊黨有由陝被逼入楚之崔宗和胡名元等聚眾三千餘人攻撲房縣北境進攻之賊眾潰散是月改爲鄖陽鎮總兵諸賊因楚兵痛勦圖竄入川清元由興山東面迎擊箐密山深賊於茅倫山恃險抗拒我兵合力攻勦盡殪之清元用礮轟斃賊渠張允壽於熊藏山捷聞

上悅

賞賚甚優復隨提督長齡追崔胡各逆於楊家店賊渠王輜賢等約二千餘人與胡名元合六月又與川匪湯思蛟劉潮選擾及楚界清元隨長齡攻之於五臺山斃賊五百餘人賊遁入黃家山官兵用礮轟擊賊乘夜突出撲營清元衝陣奮擊復斃賊三千餘人生擒僞總兵彭良才等賊折回東南清元取道毛耳觀敗之我兵復乘勝追勦大克之賊首龍紹周與崔胡二逆合折入楚湖北巡撫全保率清元等敗之復追擊川陝餘黨辛聰會芝秀於興山賊目趙金時龍紹周窮蹙入川糾合王四等由大甯巫山折回房縣清元拒之於柵子山賊欲東竄復扼擊於平三壩賊由巫山之夜叉崖狂奔清元率眾當其前參贊大臣德楞泰復追其後盡覆之王曾遁匿老林無食可覓糾黨戴四赴巴東復與川匪樊陳屯聚於龍潭坪

仙峯觀清元與吉林泰分兵馳擊之賊潰七年王曾等由川東竄往歸州走馬嶺清元趲程前進遏賊東竄之路遂以計擒僞元帥掩殺其賊黨四百餘人賊鋒大挫尋奉

命與長齡由興山馳赴歸巴會勦王曾二逆復與樊崔戴連結清元迎擊之於白果園敗走賊眾分擾褚河圍攻民寨清元分兵往援解其圍乘勝追殺四十餘里賊復糾合五六千人占踞雞公山梁清元馳赴霧渡河設伏掩擊賊潰淹死甚眾仍與長齡合兵會勦賊知大兵自西而東由閒道竄入保康南山時大雨溪河漲發清元偵賊由寒水河登山遂乘夜進兵遇之於獅子嶺撲殺之賊驚潰率兵馳逐進逼之於漁沱樊人傑曾芝秀赴水死

上命清元搜捕餘匪自六月至十二月殲斃賊眾無慮數千人以創

傷復發引疾歸十三年擢雲南提督調貴州復調四川十八

年卒官

上聞震悼賜祭葬卹典有加

國史大臣傳 案清元本晉州人後徙正定縣志有傳今從國史改人

李士林字英選乾隆五十九年舉武科鄉試嘉慶元年成進士選侍衛出授陝西漢中營都司遷遊擊牛亮臣之亂督兵前往直擣其壘獲渠魁及賊目數人隨以所部赴陝之南山柏楊嶺白花川唐葭太渠都督河佛爺坪老林等處搜捕餘黨無一脫者道光初年復奉檄調西甯征黑番喀什噶爾所至俱有功叙績加一等晉參將歷靖遠莊浪洮岷潼關副將擢西安延綏鎮總兵卒官

採訪冊

李信生而穎異體魁偉勇悍絕倫道光二十七年丁未以二甲第一人成進士授侍衛咸豐二年出爲湖北漢陽府遊擊